



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1601. usque ad annum 1605

**Fleury, Claude**

**August. Vind. [u.a.], 1776**

**VD18 90118790**

§. 84. Probrosa Societi. Pyramis eversa Lutetiæ.

---

[urn:nbn:de:hbz:466:1-67204](https://nbn-resolving.org/urn:nbn:de:hbz:466:1-67204)

Sæc. XVII. accensam novi schismatis facem in ca-  
A. C. 1604 cerem detrusus paulopost Varvici de-  
 cesserit. *Edidit commentarios in Pro-  
 verbia & Ecclesiasten Salomonis, item  
 epistolas D. Pauli ad Colossenses, har-  
 niam Evangelicam contra novum Testame-  
 tum Rhemense: admonitiones duas Par-  
 mento oblatas, necnon earum apologum  
 adversus Witogistum Episcopum.*

## §. LXXXIV.

*Probrosa Societati Pyramis eury-  
 Lutetiæ.*

*Serran. hist. Franc.*  
*Juvenc. hist. Soc. l. 12. part. 5.*  
**H**ic annus millesimus sexcentissimus  
 quartus Jesuitis in Francia oppro-  
 braus fluxerat; tanta enim apud Re-  
 gem gratia atque auctoritate valebant  
 ut ab eo probrosam Pyramidem, con-  
 velli obtinerent. Erat illa in æternum  
 detestandi Regicidii monumentum Pa-  
 risiis ante valvas Curix novem ante  
 annos erecta, cujus basi statuæ qua-  
 tuor insidebant, quibus decretum de  
 ejiciendis Jesuitis insculptum legebat-  
 tur. Vix autem Rex die decima tertia  
 Februarii hoc monumentum everti ju-  
 serat, cum illico quamplurimi maxime  
 auctoritatis Viri sese opponerent, cau-  
 santes, gravem hoc facto maculam Pa-  
 risinæ Curix inuri, ac præpostera mi-  
 sericordia statuam destrui, quam Justi-  
 tia

tia erexisset, nihilominus cedendum erat Regis mandato, qui totam molem non noctu, uti quamplures petebant, sed luce palam convelli iussit, ut Jesuitas ab hoc crimine omnino innocios fuisse, luce meridiantē clarius pateret. Ergo demolitioni manus imponitur, atque in pyramidis locum fontis receptaculum collocatur, abolita penitus nefandi criminis memoria.

Præterea Jesuitis die vigesima nona Aprilis Collegium Parisiense reddebatur, obtenta etiam facultate literas publice docendi: Verum Parisinæ Universitatis Rector vehementer obstitit, causa in forum delata; nec defuerunt opponentibus insignes Patroni, imo ipsemet Cardinalis Peronius ceteroquin Jesuitis addictissimus permoleste tulit hoc diploma se incio impetratum: unde Regi significabat, multos jam esse Parisiis Theologiæ Doctores, quibus præripi discipulos non conveniret. Horum igitur repugnantia factum, ut Jesuitæ per plures annos scholas suas aperire inhiherentur.

§. LXXXV.

*Contentio inter Andegavensem Episcopum & Senatum innovata.*

Non

Sæc. XVII.  
A.C. 1604.